

**UGOVOR br. 11-06-14-9391-12/16**  
*o nabavci i isporuci usluge za realizaciju projekta „IT nastava za najmlađe“*

Zaključen dana 20.12.2016. godine između:

## **I – UGOVORNE STRANE**

**MINISTARSTVO ZA OBRAZOVANJE, NAUKU I MLADE KANTONA SARAJEVO**, sa sjedištem u Sarajevu, Ul. Reisa Džemaludina Čauševića br. 1, kojeg zastupa Prof. dr. Elvir Kazazović, ministar (u daljem tekstu: Kupac), identifikacijski broj: 4200666870003

i

**IMTEC d.o.o. SARAJEVO**, sa sjedištem u Ilijašu, Ul. Bosanski put bb, identifikacijski broj: 42000918780002, PDV broj: 200918780002, transakcijski račun broj: 1410010000522607 kod BBI banke d.d. Sarajevo, kojeg zastupa direktor Jakub Čehić (u daljem tekstu: Prodavac).

## **II – PREDMET UGOVORA**

### **Član 1.**

Naručilac naručuje, a Isporučilac preuzima obavezu da za račun Naručioca, a prema uslovima i odredbama ovog Ugovora kao i prema predmetnoj tenderskoj dokumentaciji i na osnovu usaglašene ponude br. 1711/2016 od 18.11.2016. godine, izvrši nabavku i isporuku usluge za realizaciju projekta „IT nastava za najmlađe“.

### **Član 2.**

Isporučilac se obavezuje da, po nalogu Naručioca, a na osnovu prethodno usaglašene i od strane Naručioca usvojene ponude, izvršenje usluge iz člana 1. ovog ugovora izvrši prema prihvaćenim uslovima, a sve u skladu sa odredbama ovog Ugovora.

## **III – KVALITET I OBIM**

### **Član 3.**

Isporučilac se obavezuje da sve ugovorene obaveze izvrši prema važećim propisima, standardima i normativima za ovu vrstu poslova.

### **Član 4.**

Eventualna odstupanja od uslova koji su definirani kroz prihvaćenu ponudu, moraju biti prethodno odobreni od strane Naručioca.

## **IV – KONTROLA**

### **Član 5.**

Stručni nadzor nad realizacijom ovog posla vršit će ovlaštena lica – Nadzorni organ ispred Ministarstva za obrazovanje, nauku i mlade Kantona Sarajevo. Isporučilac je dužan da pismenim putem obavijesti Naručioca o imenu ovlaštenog lica za realizaciju poslova po ovom Ugovoru.

## **V – GARANCIJA O KVALITETU**

### **Član 6.**

Isporučilac daje garanciju na kvalitet izvršenja usluge.

## VI – CIJENA

### Član 7.

Ugovorena cijena usluge iz člana 1. ovog ugovora sa uračunatim PDV-om iznosi:

- |                     |               |
|---------------------|---------------|
| 1. Cijena bez PDV-a | 17.760,00 KM  |
| 2. PDV              | 3.019,20 KM   |
| 3. Cijena sa PDV-om | 20.779,20 KM. |

Slovima: (dvadesethiljadasedamstotinasedamdesetdevet i 20/100 KM)

Ponuda sa ugovorenim jediničnim cijenama i ukupnom cijenom nalaze se u prilogu ovog Ugovora i čine njegov sastavni dio.

### Član 8.

Isporučilac nema pravo na promjenu ugovorenih jediničnih cijena, po bilo kom osnovu i u tom smislu jedinične cijene utvrđene prihvaćenom ponudom, smatraju se fiksnim i nepromjenljivim.

## VII – NAČIN I USLOVI PLAĆANJA

### Član 9.

Cijena ostaje fiksna za vrijeme trajanja ugovora.

### Član 10.

Naručilac se obavezuje da će dati nalog za plaćanje usluge iz člana 1. ovog ugovora 180 dana po ispostavljanju fakture na račun Isporučioca broj: 1410010000522607 kod BBI banke d.d. Sarajevo.

## VIII – ROKOVI I USLOVI REALIZACIJE POSLOVA

### Član 11.

Rok za realizaciju svih ugovorenih poslova po ovom Ugovoru je **29 (dvadesetdevet) radnih dana** od dana potpisivanja Ugovora.

### Član 12.

Isporučilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila, a koja nisu u suprotnosti sa važećom zakonskom regulativom.

## IX – PENALI I KAZNA

### Član 13.

U slučaju da Isporučilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova. Za sva kašnjenja prouzrokovana od strane Naručioca (kompletiranje i dostavljanje neophodnih informacija za projekat i sl.), Izvršilac ne snosi odgovornost plaćanja kazne.

### Član 14.

Ugovorena kazna će biti obračunata kroz isplatu ukupne vrijednosti ovog Ugovora.

## X – IZMJENA ODREDBI UGOVORA, RASKID UGOVORA

### Član 15.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

### Član 16.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

## XI – PRELAZNE I ZAVRŠNE ODREDBE

### Član 17.

Sastavni dio ovog Ugovora čine:

1. usaglašena i od strane Naručioca prihvaćena ponuda Isporučioca posla br. 1711/2016 od 18.11.2016. godine (protokolarni broj: 11-14-33246/16).
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.

### Član 18.

U slučaju spora po ovom Ugovoru, ugovorne strane su dužne isti sporazumno riješiti, a u suprotnom spor će rješavati nadležni sud u Sarajevu.

### Član 19.

Ovaj ugovor stupa na snagu danom potpisa od strane ugovornih strana.

### Član 20.

Ovaj ugovor sačinjen je u 6 /šest/ istovjetnih primjeraka od kojih svakoj ugovornoj strani pripadaju po 3 /tri/ primjerka ugovora.

ISPORUČILAC

**Imtec d.o.o. Sarajevo**

DIREKTOR

  
\_\_\_\_\_  
**Jakub Čehić**

Broj: 5792/16  
Sarajevo, 20.12.2016. godine



NARUČILAC

**Ministarstvo za obrazovanje, nauku i mlade  
Kantona Sarajevo**

MINISTAR

  
\_\_\_\_\_  
**Prof. dr. Elvir Kazazović**

Broj: 11-06-14-9391-12/16  
Sarajevo, 20.12.2016. godine

